

Шырчык шулдырешыже шошым конда



Авторын фотожо.

Ме, «Ямде лий» да «Кугарня» газет-влакын пашаенышт, Кужэнер район Токтайбеляк школышто уна лийна. Йоча-влак дене вашлиймашым эртарышна, түрлө модыш дене модна, викторинысе йодыш-влаклан вашмутым кычална.

Йонгыдо, кок пачашан школышто ўдыр-рвезе-влаклан тунемашышт да шуаралташышт чыла йон уло: волгыдо классла, кугу спортзал, мастерской. Мийымына годым мастерскойышто паша шолеш ыле. 5-ше классыште тунемше-влак Эдуард Токтаулов, Андрей Изергин да 6-шо класс гыч Ваня Саратов (**снимкыште**) шулдыран йолташ-влаклан у портым ямдылаш тўналыныт. Технологий урокым вўдышө С.В.Сидоркин рвезе-влакым онгам пужараш, чын вискален пўч-кедаш тунукта.

– Шырчык омартам тўжикан ыштена. Вара школ садыш луктын сакена. Ме шырчык толмым пеш вучена. Нуно шулдырешышт шошым кондат. Тыге кугыең-влак ойлат. Шырчык-влак сылне мурышт дене куандараш тўжалыт. А ме у портыштө йывыртен илымыштым эскерена, – ойлат рвезе-влак.

Е.ИВАНОВА.

1 апрель –
Кайык-влакын
тўнямбал
кечышт.

ПОДПИСКЕ

«Ямде лий» газетлан кажне тылзын 15 числа марте верла-се связь отделенийыште (почтышто) возалташ лиш.

Рекламе.

Индекс – П4696.

Электрон подпискым ышташ 89027382237 номер дене Сбербанкыш 150 тенгем колтыза але тиде номерышке пыштыза да yamde_lii@mail.ru адресыш лўмнердам возен колтыза.

Зуевмыт шийым налыныт



16-20 мартыште Ялысе телымсе спорт модмаш Пермь олаште эртаралтын. Российын 44 регионжо гыч команде-влак ушненыт. Нунын коклаште Марий Элын командыже лийын. Медведево посёлко гыч Чулпан ден Алексей Зуевмыт Диана ўдырышт дене **(снимкыште)** еш дене таҥасымаште 2-шо верым сенен налын.

Чулпан – ече дене спорт мастер. Алексей писын куржталеш. Диана куштылго атлетикылан шўман.

– Ме спорт дене пекгыде кылым кучена. Моло спортсмен-влак семынак кеч-могай таҥасымаште сенаш тыршена. Кокымшо кече деч вара ўшанна йомын ыле. Ме визымше лийынна. Еш дене таҥасыме годым чонышто йоршын вес шижмаш, вес кумыл, кугу адреналин озаланат. Икымше верым налше еш деч ик очколан гына вараи кодынна, – ойлат ача-ава.

Х.АЛЕКСАНДРОВА ямдылен.
Фотом Интернет гыч налме.

Историйым шергалына 1814 ий 31 мартыште руш войскада тудын союзникше-влак Парижым сенен налыныт. Ыйге Европым Наполеонын озаланымыж деч утареныт.

Владимир Мономахын вуйлатыме руш дружине, Донской степыш поход дене лекмекеже, 1111 ий 27 мартыште Сальнице энер воктене половецкий войскам кырен шалатен. Ылеч вара половчан-влак Русыш керылт пурлым чарненыт.



Книган пайремже

Сотнур школын 1-4-ше класслаштыже тунемше-влак Православный книган кечыжым палемденыт **(снимкыште)**. 2-шо классыште тунемше ўдыр-рвезе-влак славян азбукин шочмыжо да И.Федоровын савыктен лукмо «Апостол» икымше книгаже нерген каласкаленыт. Йоча-влак книга нерген почеламутым сылнын лудыныт. Игорь ача православный журнал, газет-влакым ончыктен да пайрем дене саламлен.

Лиана ИЛЬИНА.

Волжский район.

Фотом школын архивше гыч налме.



Российысе увер

14-35 ияш самырык ен-влак, «Мыйын элем – мыйын Россияем» всероссийский проект конкурсыш ушныза. Тўвыра, образований, технике, элым социал да экономике велым вияндыме нерген проектым возыза да 12 май марте moyastrana.ru сайтышке верандыза.

Москосо Сеньямаш тошпер «Поэзия Победы» всероссийский конкурсым увертарен. Тушко 11-17 ияш тунемше да 18-25 ияш самырык ен-влак ушнен кертыт. Почеламутым 21 апрель марте колтыман. Тўрыс уверым victory-museum.ru сайтыште ончыза.

29 апрельыште «Сеньямаш диктант» тўнямбал исторический акций эртаралтеш. Диктант очно да диктантпобеды.рф сайтыште онлайн пиеш. Чыла йодышлан чын вашештыше абитуриент-влак вузыш тунемаш пураш ешартыш баллым налын кертыт.

Марий Элысе увер

Марий Элыште 21 март гыч 5 июнь марте Экологий лўдыкшылык деч аралыме кече-влак эртаралтыт. Акций радамыште вўд воктене, чодыраште шўкым эрыктат, пушентым шындат. Экологий урок, ончер, конкурс, викторине-влакым эртарат.

Т.Евсеев лўмеш Национальный тоштерысе тунемме рўдер «Музейный экспонат: смотрим, изучаем, рисуем, создаём» йоча усталык конкурсым увертарен. 7-15 ияш ўдыр-рвезе-влак мастарлыкштым тўрлў направлений дене терген кертыт. Районысо йыжыгын 14 май марте шуйна. Тўрыс уверым www.fumus.ru сайтыште лудса.

Республикысе йоча да самырык-влаклан В.Х.Колумб лўмеш книгагудо «Мультпарад любимых героев» республикысе конкурсым увертарен. Тўрлў техникым кучылтын, мультфильмлаче герой-влакым ыштыман. 7-20 ияш ўдыр-рвезе-влак конкурсышто мастарлыкштым терген кертыт. Пашам 23 май марте намайман.

27 март –
Театрын
тўнямбал
кечыже.

Марий самырык театрын шындыме спектакльлаште самырык артистке Кристина БИРЮКОВАМ (снимкыште) чўчкыдын ужаш лиеш. Кристина Шернур район Тамшэнер ялеш шочын-кушкын. Лажъял школым тунем пытарымеке, И.С.Палантай лўмеш тўвыра да сымыктыш колледжыш артистлан тунемаш пурен. Театрыште нылымше ий пашам ышта.

– Кристина, артист лияш шонымаш нок», «Мяуля и Пикуля», «Мойдодыр», кунам шочын?

– Мый изи годсек артист лияш шоненам. Ачам мураш йората. Мыят изинек тудын пелен мурым муренам. Школышто тунеммем годым почеламутым лудаш келшен. Ялысе клуб пеленысе куштым кружокыш коштынам. Шарнем, 9-ше классыште тунеммем годым «Шыже бал» пайремыште сценкым ончыктенна. Тушто мый шонго кочан рольжым модынам. Ачамын ужгажым, портышкемым чиенам, орышым пижыктенам. Изи годсо шонымашем шукталтын. Кызыт йоратыме пашам ыштем.

– Тыйым чўчкыдын йомакыште ужаш лиеш. Йомакысе геройым модаш мо дене онкай?

– Мый йомакыште модаш моткоч йоратем. «Жила-была Сыроежка», «Гадкий утё-

Коча театрышке конден



Фотом театрын архивше гыч налме.

«Театр Розового Слона», «Каза, Тага да Пырыс», «Наш друг – светофор» да моло йоча спектакльыште модам. Лудын, Ёйвонгын, Шапоклякын, Мочалкын, Рывыжын, Пийын образыштым чонем. Мыланем Рывыжын рольжым модаш утларак келша. Йомакыште мастарлыкым тўрысnek почын пуаш лиеш манын шонем.

– Тыланет мо тыгай театр? Кў тыгай

актрисе?

– Театр мыланем кокымшо сурт гай. Ме тўрлў герой-влакын илышышт дене илена. Калыклан куаным кондышаш да шке пашанам йоратышаш улына. Тунам гына лектыш лиеш. Образ-влак полшымо дене калыкым молан-гынат туныктена, шонаш таратена.

Х.АЛЕКСАНДРОВА мутланен.

Кў лиям?

Кў лияш? Шоненам мый ондак: Журналист, учитель але врач. Пеш йўсў ойыраш, чынак. Вашке лиеш чылажат раш. Шоненам артист лияш, Сцене вученак улмаш. Кызыт мый мурем, куштем, Калык чоным ырыктем.

Дима ВЕДЕНЬКИН.

Шернур посёлко.



Тест

1.Ожно курчак театрым кузе лўмденыт?

- А.Балаган. В.Кунтскамера.
Б.Раек. Г.Вертеп.

2.Москосо Кугу театр могай кугыжа годым почылтын?

- А.Екатерина I. В.Екатерина II.
Б.Анна Иоанновна. Г.Александр I.

3.Ожно ик вер гыч вес верыш кусныл кошшо артист-шамычым кузе маныныт?

- А.Паяцы. В.Менестрели.
Б.Захребетники. Г.Скоморохи.

В.СМИРНОВ ямдылен.

Тау, туныктышем!

Мыйын икымше туныктышем – Н.В.Якимова. Тудо поро, ушан, еным умылен моштышо. Наташа Вячеславовна мемнам чын верч шогаш, илышыште ўшанлын ончыко ошкылаш, ару лияш туныкта. Келге шинчымашым пуа, тўрлў экскурсийыш коштыкта. Тудо уста кидмастар: школлан да клублан марий тувырым урген. Туныктышемлан таум ойлем да пенгыде тазалыкым тыланем.

Азалия САВЕЛЬЕВА.

Татарстан, Мамадыш,
Кугу Шия.



Фотом школын архивше гыч налме.



Увер

Йошкар-Оласе

«**Виктория**» йоча музыкальный театр «**Theatre-battle**» республикысе тангасымашым эртарен. Тушко йоча театр студий-влак ушненыт. Ю.Охотникован вуйлатыме «**ДрамТам академия**» театр студийын (Йошкар-Ола) командыже Гран-прим сенен налын.

*Лудаш эше нилю
нергер огеш ойло. Мом
лудаш да кузе лудаш –
түҗе сомыл.*

К.Ушинский.



Лудаш кузе кумыландаш?

#Кагаш



Редакцийышке Анастасия В. (Марий Турек район) деч йодыш пурен:

«Эргым вич ияш, йочасадыш коштеш. Лудаш кумылжо йөршын уке. Мӱнгыштӧ түрлӧ семын ондален лудыкташ тыршена, но шорташ веле түналеш. Лудаш кузе кумыландаш?»

Психолого-педагогический да калыкклан социал польшышым пуышо «Доверие» рүдерын психолог-педагогшо Т.СОЛОВЬЁВА (снимкыште) икмыняр ой-кагашым пуа:

– Йоча-влак түрлӧ койыш-шоктышан улыт. Икте книгаг уло кумылын лудеш, весе эсогыл лаштык-влакым кушкедеш.

Кагаш ача-ава эскерышаш: икшыве

лудаш ямде але уке. 3-4 ияш йочам книга дене палымым ышташ келшен толеш. Түрлӧ чиян ондай сүретан книгаг ончыктыммо гыч тӱнгалаш лиеш. Алфавитым тӱрыс-нек тунеммекыже, эн ондак слогым лудыктымман, вара – шомакым.

Ача-ава-влак шкежат пример лийшаш улыт. Йоча нунын кидыште книгаг чӱчкыдын ужеш гын, лудаш кумылжо лектеш. Модыш йӧнымат кучылташ лиеш. Икшывым ӧкымеш лудыктымман огыл, тудым кумыланден моштымман. «Тый урокышто отыл, тыланет «кокытан» отметкым огыт шынде» манын умылтарыман. Лудмо годым уда мутым ойлыман огыл.

Х.АЛЕКСАНДРОВА.

2 апрель – Йоча киган тӱнямбал кечыже.

Книгагудын йолташыже уло

Морко посёлкысо йоча книгагудышто «Йоча книга арням» эртарышна. 1-ше, 2-шо да 6-шо номеран Морко школлаште икымше классыште тунемше-влакым книгаг лудшо-влак радамыш пуртышна. Книгочейка, Вуверкува, Незнайка, Буратино, Мальвина курчак-влак йоча-шамычын лудмыштым, сүретлыме мастарлыкыштым, йомакысе герой-влакым палымыштым тергышт, түрлӧ йодышым пуэдышт. Ӱдыр-рвезе-влакым книгагудысо тӱн правил-влак дене палдарышт. Ӱшанена, йоча-влак книгагудын эн сай йолташыже да лудшыжо-влак лийыт.

Т.Е.ВЛАДИМИРОВА, книгагудо пашаен.

- книгагудышто лӱшкаш ок лий;
- икте-весеылан мешайман огыл;
- книгаг арун кучыман;
- книгаг жапыштыже пӧртылтыман.



Авторын фотожо.

27 март – марий писатель, драматург **Шабдар Осыпын** (Шабдаров Иосиф Архипович) шочмо кечыже.



Герой-влак могай произведенный гыч улыт, палыза.

Оляна, Пӧтыр, Марпа, Васлий, Ондрий Опанас

Кори, Марина, Васи Ондри, Велат, Сергей

Вильып, Сидыр, Прокоп Васи, Матвуй Герман

Семон, Токпай Павыл, Рывыж Епи

«Ӱдырамах корно»

«Кориш»

«Тӱшка вий дене»

«Акыр-саман»



Эмыкан тукумын үдыржө

Псевдоним – шонен лукмо (шоя) лүм. Тудым налме нерген кажне серызын – шке историйже.

«Кугарня» газетын пашаенже, самырык поэтессе Надежда Моисеевам (снимкыште) Эмыкан семын утларак палат.

– Шоялүмым налаш шоньнамаш кунам да кузе шочын?

– Марий кугыжаныш университетыште тунемме годым «Поэзий шепкаште»

кружокыш коштынам. Тудым марий поэтессе Зоя Михайловна Дудина вүден. Тудо самырык-влакын возымо почеламутлаштым книгаш чумырен. Ты книгам эстон писатель, сценарист Арво Валтон лукташ полшен. Тудо мыланна, самырык возышо-влаклан, псевдонимым налаш темлен.

Мый шуко шонен омыл. Эмыкан лүм ушыш-кем иканаште пурен. Мемнан тукумына Эмыкан гыч тўналын. Тиде моткоч ожно, Пугачёв восстаний годым, лийын. Эмыкан лўман руш офицер руш войска гыч чодыраш шылын куржын. Марий ўдырым марлан налын, марий йўлам кучен илаш тўналын. Эмыкан тукум нерген моткоч кугу шымлымаш паша эртаралтын. В.Березин тукумвожым шымлен да «Эмыкан тукум» книгаг савыктен луктын. Тушко мыйын лўмемат пуртен. Тукумына ынже йом манын, тыгай псевдонимым налынам.

Е.ИВАНОВА мутланен.

Мўгинде гай

Шукерте огыл мый «Калык ойпого» книгаг лудынам. Тушто ятыр пайдале уверым муаш лиеш, мом ышташ лийме да ойрө нерген возымо. Лудын лекмеке, марий патыр-влак нерген пален налынам. «Калык ойпого» мыйым шочмо йылмым утларак йораташ, пагалаш да аралаш кумылан ден. «Книга мўгинде огыл гынат, шкеж дек шупшеш», – маныт калыкыште. Тудо мўгинде гаяк.

Кирилл НОВОСЁЛОВ,
Шернур, Кугу Пўнчер.



Фотом еш архив гыч налме.

Книга айдемым тунькта, тудым илыш дене тўр нўлта.
К.ВАСИЧ.

Лўм: Алексей Иванович Мусатов.

Шочын: 1911 ий 25 мартыште, Владимирский кундемысе Лизуново селаште.

Тунемын: тўналгыш шинчымашым ялысе школышто налын. Загорскысо педагогический техникумын студентше лийын. 1935 ийыште Иван Фёдоров лўмеш Москосо кугыжаныш печать институтым, 1938 ийыште ВГИК-ым тунем лектын.

Произведенийже-влак: «Шанхайка», «Стожары», «Дом на горе», «Вишнёвый сад», «Хорошо рожок играет», «Костры на сопках», «Зелёный шум», «Черёмуха» да моло. «Стожары» повесть негызеш 1950 ийыште «Драгоценное зерно» пьесым возен. «Клава Назарова» повестьым Кугу Ачамланде сарыште лийше комсомол-влаклан пўлеклен.

Паша: 1929–1931 ийлаште туньктышылан тыршен. Ташкентысе военный газетыште литературный редактор лийын.

Чап: шочмо верыштыже А.И.Мусатов лўмеш «Стожары» сылнымут пайремын 2012 ий гыч эртарат.

Йоча писатель Лизуново селаште
А.И.Мусатовын шочмыжлан – 105 ий. «Тоштер-пўрт» уло.



А.И.Мусатовын вич произведенийжым муза.

В	Е	Р	Н	О	С	О	Ф	У	Ш
Ь	Г	Щ	Э	А	Т	Ь	У	Н	А
н	О	С	Ж	Ю	Ь	Ў	Е	Х	Щ
Д	А	Т	К	П	Ю	Я	Г	А	Й
П	Ф	О	Й	Ө	У	Ч	Ш	Й	К
У	И	Ж	Ё	О	Л	Б	С	В	А
В	Э	А	Ў	Э	К	Е	А	Л	С
М	У	Р	Ы	Г	З	Р	Ё	З	Й
О	Ы	С	М	А	У	О	Э	К	А
С	К	В	И	Ч	К	А	Ж	Ө	Л

Нунын гай лийнем

В.Ивановын «Росота яшлык» ойлымашыжым лудынам. Гена ден Васян келшымышт мыйын чонемым куандарен. Ойлымашыште Генан изи мастер улмыжо раш ончыкталтын. Герой-влак мемнам поро пашалан, поро койышлан, келшен илаш туньктат. Мыланем Гена утларак келшен, тудо моткоч поро рвезе.

Юлия ГРИГОРЬЕВА.

Морко, Волаксола.

Печать да массовый коммуникаций потышто федерал агентствын окса польшыж дене лукмо.





Йошкар-Оласе 21-ше номеран школышто кугыжаныш марий йылмым туныктышо О.Н.ВАСЕНИНА 5-7-ше класслаште тунемше-влаклан «Мыйын ешем – мыйын республикем» паша тетрадьым ямдылен. Тудым Марий Эллан 100 ий теммылан пӧлеклен. Республик

дене кылдалтше 10 темым темлен.

Йоча-шамыч теме-влак почеш родо-тукымыштым шымлат. Мучаште тукум пушенгым чонат.

Йошкар-

Козьмодемьянск, Краснококшайск уездла, Уржум, Яран, Васильсурск уезд-влакын ужашлаже пуреныт. Марий автоном областыште кум кантоным (районым) ыште-ныт: Краснококшайск, Козьмодемьянск, Шернур.

1-ше теме

Мыйын тукумем да республикнан шочмыжо



1920 ий 4 ноябрьште В.И.Ленин ден М.И.Калинин Марий автоном областым ыштыме нерген Декретеш кидпалыштым пыштеныт. 25 ноябрьште МАО-н кумдыкшым, рӱдолажым, вуйлатыше органжым палемдыме нерген у декретым пенгыдемденет. Рӱдолаже Краснококшайск лийын. МАО-ш



А.И.Бутовын «Декрет марийцам» (1967) сӱретше.



Республикын лӱмжӧ тыге вашталтын:

1920 ий – МАО (Марий автоном область).

1936 ий – МАССР (Марий автоном совет социалистический республик).

1990 ий – МССР (Марий совет социалистический республик).

1992 ий – Марий Эл Республик.



Республикын гербше-влак – тӱрлӧ ийыште.



1918-1992



1992-2006



2006-2011



2011 ий гыч

Тудлан _____ ий улмаш.

Мыйын кугезе ковам _____

Тудлан _____ ий улмаш.

б) МАО-м ыштыме годым мемнан ешыште тыгай событий-влак лийыныт: _____



Ешыште шымлымаш паша.

Йодыш: МАО-м ыштыме жапыште тендан тукумда могай уездыште (губернийыште) илен? (Ача да ава велым шымлыман).

а) Мыйын кугезе кочам _____

Моло

теме-влакым

https://vk.com/yamde_lii

тӱшкаште ончыза.

Туныктышылан польш

Лайвоч лӱман пелияш уриге нечке гынат, кум аланын иктеш ушнышо кумдыкыш кудал тольо. Тӱжем дене шочшо кына снегым йывыртен ончале. Ик чевер пырчым чапашкыже налят, такмакым муралтыш. Лайвоч шӱдӧ лу такмакым пала. Коло такмакше аваже нерген, коло ик такмакше шочмо пыжашыже нерген, шӱдымшыжӧ шкеж нерген. Икмынар жап гыч уриге нойыш ала-мо, вич снегым кочкын колтышат, иктаж латныл-латвич пырчыжым, ныл лышташыш вӱдылын, кӱсеншыкыже пыш-

ЛАЙВОЧ УРИГЕ ДЕН СНЕГЕ

Чот мутан йомак

тыш. Шуко снеган куд вондым тодылын, чапашкыже нале. А эн кугуракшым кок лопшудо гыч ыштыме упшышкыжо пижыктыш. Мӱнгыжӧ толмеке, Лайвоч аважым, кок изаж ден кум акажым ӱнда да снеге аршашым икте дене кучыктыш. Шкенжымат ӱрдыжеш ыш кодо, упшышкыжо пижыктыме ик вондыжым налын, снегым моло дене пырля кочкын колтыш. Кӱсенже гыч ныл лышташым лукто да чуч шортын ыш колто. Вет иктаж латныл-латвич снегыже вашкен кудал тол-

мыжлан кӱра лаптырген да лапашыш савырнен. Аваже Лайвочын нечкыланымыжым ужо да, уригым кок чапаж гыч кучен, йырже кум гана пӱрдыктен нале. Лайвочын кумылжо таче кечылан кокымшо гана кӱзыш. Тыгодым кум акаже лаптыргыше снегым тӱйыш да, шым кӱмыжыш пыштен, кажнылан иктӱр пайлыш.



С.ГРИГОРЬЕВА-СОТО.



Ит вашке

Ит вашке тый кугу лияш.
Ит ойгыро, чыла шуктет.
Йоча жап ик гана толеш.
Шарнаш кодеш ўмырешет.
Кугу лият, чыла ыштет,
Шкаланет шке оза лият.
Лиеш ешет да икшывет,
А йоча пагыт – чоныштет.
Тунам шонет кеч ик жаплан
Монгеш изи йоча лияш.
Сандене мый ойлем, йолташ,
Ит вашке тый кугу лияш.

Юлия ИВАНОВА.

Кужанер, Шорсола.

Мландым тўзатыза

Ме шочмо пўртўсым аралышаш улына. Урем, чодыра, пасу мучко торым кышкена гын, мо лиеш? Шочмо мландына кушко савырна? Йоча-влак, иктаж-могай сылне верыш каналташ каеда гын, почешда шўкым ида кодо. Мутлан, газет тичмашнек шулыжо манын, 1-3 тылзе кўлеш. Пластик ате 500-1000 ий гыч веле шўэш. Тиде моткоч шуко! Ме шочмо мландынам тўзатышаш улына.

Алина СУББОТИНА.

2-шо номеран Морко школ.

30 март – Мландым аралыме кече.



Сўретым чиялтыза

Мартыште сирень пеледын

«Мартыште от му сиреньым», – муралтеш ик мурышто. А мемнан йочасадысе ик группышто март кыдалне сирень пеледын. Кузе тыге лийын кертын? Нимогай секрет уке. Ме февральыште сирень укшым пөлемыш пуртенна да вўдыш шынденна. Икмыняр жап гыч пеледышнер лектын. Вара сирень пеледалтын. Тудо шошымсо гай чока огыл гынат, мотор. А пушыжо! Чылт духи.

Е.А.НЕЧАЕВА, воспитатель.

Параньга, Кугу Пумарий.



Фотом еш архив гыч налме.



М. Шкетан лўмеш
Марий кугыжаныш
драме театр

Рекламе.



АПРЕЛЬ

2	пт 18:00	ПРЕМЬЕРА СНЕГУРОЧКА (ва русском языке) Артистическая комедия	А. Островский	2 час. 30 мин.
3	шм 16:00	ТОВАО КЕЧЕ ала СОПРОМ ВАТЫМ КЫЧАЛЕШ Спектакль с вымыслом / День любви или Сопром в поисках любви		
4	рш 16:00	АВА КАПИТАЛ Комедия	В. Матвеев	2 час.
6	вт 18:00	БЕЗ СЛЕЗ НЕ ВЗГЛЯНЕШЬ Мюзикл	М. Айрапсыт	1 час. 45 мин.
9	кт 18:00	ЕН МАРИЙ – ВОТ МАРИЙ! Комедия	В. Гурьев	2 час. 10 мин.
10	шм 16:00	ПРЕМЬЕРА МАРИНАВТ-ВЛАК ала ТЕВЕ КУШТО ИЛЫШЕТ! Комедия	З. Алышева / Мариавты или Вот где жизнь!	
11	рш 16:00	ПРЕМЬЕРА ШИЙ ПАМПАЛЧЕ / Серебряная Пампалче Мюзикл	З. Долгова С. Янаулова	2 час.
14	пр 18:00	Спектакль в англо-русском (1996 ий год) постановка ОЗАВАТЕ / Хозяйка Араме	М. Рыбаков РОССИЯ Иль Минер	
16	кт 18:00	ПРЕМЬЕРА ШОЧМО КЕЧЫН / День ангела Комедия	В. Ткачев	
17	шм 16:30	ЭРГЫМЛАН КУЗЫК / Признание для сына Трагикомедия	М. Рыбаков	2 час. 10 мин.
25	рш 16:00	ПРЕМЬЕРА FOLKS Сказка маршала мира	С. Пестев	
28	вр 18:00	ТЕАТР ТУРГЫМЫМ ПЕТЫРЫМАШ Кугу концерт		
СПЕКТАКЛИ ДЛЯ ДЕТЕЙ				
4	вс 11:00	ЛУЧШЕЕ ЛЕКАРСТВО ОТ ЗЛОБЫ Волшебная сказка	И. Луцкий	1 час. 15 мин.
18	вс 11:00	В НЕКОТОРОМ ЦАРСТВЕ Сказка	Е. Шанин Н. Кузнецов	1 час.
25	вс 11:00	КОЛОБОК По мотивам русской народной сказки		1 час. 15 мин.

КАССЕ 8(8362)78-13-78 SHKETAN.RU

Пўртўсым ужалкалаш лиеш мо?
Тудо вет айдеме гаяк. Чонан.

Ю.АРТАМОНОВ.



«Ямде лий» йоча газет
Тўн редактор
Л.Н.ГРИГОРЬЕВА.
Индекс: П4696.
Тираж 1150 экз. Заказ
Формат – А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: ямделий.рф

УЧРЕДИТЕЛЬ-ВЛАК: Мари
рий Эл Республикысе
культура, печать да калык-
влакын пашашт шотышто
министерстве, «Ямде лий»
газет.

Газетым редакцийыште погы-
мо да верстатлыме, «Марий Эл
Республикысе Правительствын типографийже» ООО-што
ямде оригинал-макет гыч савыктыме. Типографийын
адресше: 424000, Йошкар-Ола, Комсомольский урем,112.

Газетым Массовый коммуникаций
сферыште да культур наследийым
аралымыште законодательствым шук-
тен шогымым эскерше Федеральный
службын Приволжский федеральный
округысо управленийыштыже регист-
рированыме.
Номер – ПИ №ФС 18-1999,
2005 ий 10 февральыште помы.

0+

Печатьыш пуымо жап –
14-00,
фактически – 13-00

Авторын да редакцийын шоныма-
шышт тўрлў лийын кертыт. Серыш-
влак монгеш огыт колталт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР Вооруженный
Вийын 70-ше идалыкше урем, 20-шо пўрт.
Тел. 8(8362) 45-22-82(факс)


**Кидмастар
Улам**



Конкурс

Марина СТЕПАНОВА.
Волжский, Упшер.

*Сіҗретьште тыгай фигур-
влакым кычалза.*



**Шошым чоҗештен толшо кайык-влак-
кым дүмышт дене келыштарыза.
Могай кайык эн ончыч толеш,
а могай эн вараш?**

Турня

Шемгорак

Шүшпык

Күседык

Чарланге

Турий

Шырчык



*Класс вуйлатыше
Мику деке йыңгырта:
– Тыгы таче школышко
молан толын отыл?*

- Мыйын температурем 42 марте кўзен!
- Тыгы лийын ок керт!
- Чынак, авам «36 да 6» мане.

**1 апрель –
Воштылчык
кече.**

**1 апрель –
Математикын кечыже.**

Шотлыза:

3	+		=	7
+		+		+
		1		
=		=		=
4	+		=	9

**Икгай машина-
влакым муза.**



Изи слонлан банан
дек корным
ончыктыза.



**Кроссворд
Марий театр**



Шола гыч пуллашке:
2.Драматург, режис-
сёр, артист. **3.**Тиде
ялысе драмкружок не-
гызеш марий театр
ышталтын. **4.**Куснылшо
театрын икымше спектакльже
могай ялысе школеш ончыктал-
тын? **6.**«Закон шумлык» пьесын
авторжо.

Кўшыч йўлыкō:

1.Марий сълнымутын классик-
ше, драматург. **5.**Шернур кундем
гыч драматург. **6.**Куснылшо
театрын икымше спектакльжым
кō шынден?

В.СМИРНОВ ямдылен.

Интернетысе сўрет-влакым кучылтмо.